

مرکز توزیع :
باب عالی جاده سنده
(اتحاد تجارت)
کتابخانه سی ایل
(یکی توریه)
مطبعه سی

مجموعه اسلامی

دومى الفقه

۳۳۸

اداره خانه سی :
باب عالی
(یکی توریه)
مطبعه سی فوقنده کی
داثره مخصوصه

شرائط اشترا :

هر سنده يك برنجی وایکچی آلی آیلغندن اعتباراً آتونه قید اولونور .
سته لی : اون ایکی نسخه اولوق اوزره پوسته اجر تیله برابر
(۱۰۰) ، آلی آیلغی (۵۰) غروشدور . ممالک اجنبیه ایچین
۱۰ و ۱۰ غروش علاوه سی لازمدر .



شرائط تحریر :

اسلامك نفعنه خادم یازیلر مع التشر قبول ونشر اولونور . یازانك
شخصیتی دکل، یازیشك مادیق نظر دقتنه آلتیر . کونده و یله جك آناو
اوقوناقلی و مختصرجه یازیلش اولالیدور . کن یازیلردن شایان قبول
که وولنلر تار ۳ صبراسیله درج ایدیلیر .

عرض ایده‌یم :

تاریخچه عاثر اسنادلردن : (۱ - یمن ملکی « سیف بن ذی یزن » که یمنی استیلاسی و حبشیلیری یمندن اخراجی و یمنده تسلطی اوزرینه باشده قریش رئیس عبدالمطلب اولدینی حالده بتون عرب رؤسائک یمنه عزیمتله ابن ذی یزنی تبریک و تهنه ایتلمیخی ناقل اولان اسناد : (ابو نعیم اصفهانی قال حدثنا سلیمان بن احمد املاء سنة احدى وخمسين و ثلثمائة . قال حدثنا احمد بن يحيى بن خالد بن حيان الرقي بمصر سنة ثمانين ومائتين . قال حدثنا عمرو بن بكير بن بكار القعني . عن ابی القاسم الطائي عن الكلبي . عن ابی صالح عن ابن عباس [۱] قال قال لما ظهر سيف بن ذی یزن علی الیمن و ظفر بالحیثة ونفاهم عنها .) .

(۲ - ابرهة الاشرم الحبشی - سیف ابن ذی یزندن اولکی یمن والیسی ابرهه - نك كعبة معظمه یی یقیمق اوزره مکه اوزرینه یورو دیکی نقل اولنان اسناد تاریخی : (ابو نعیم قال حدثنا ابو عمر محمد بن احمد قال حدثنا الحسن بن علی بن الجهم قال حدثنا الحسين بن الفرج قال حدثنا محمد بن عمر الواقدي قال حدثنا عبدالله بن عمر بن زهير عن عبدالله بن خراش الكلبي عن ابيه قال اقبل عبدالمطلب يومئذ واقبل اصحاب الفيل ...) .

(۳ - اصحاب فیل اوزرینه ابابیل قوشلرینک آتدقلى طاشلره دائر نوفل بن معاوية الدئلی نك كلامنی نقل ایدن اسناد تاریخی که واقدی، تاریخنده روایت ایتمشدر. دییورکه : (حدثني عمر بن طلحة

[۱] مؤلف اسنادده اختصاره رعاية ياخود عبدالله بن عباس وقعه یی ایچنده جدی بولندیقندن عائله جه علاقه لری اولدیقندن پدرندن ایشتهدیکی ظاهر اولمسنه بناء پدرینی ذکر ایتیهرك روایت ایدیور. اصطلاح محدثنده بویه اسنادلره (موقوف) دینور .

عن جوثة بن عبيد بن اميه ابن عبدالرحمن قال سمعت نوفل بن معاوية الدئلي يقول رأيت الحصة التي رمى بها اصحاب الفيل ... (اصحاب فيلك رمى اولنديني طاشجغزلى كوردم نخودقدر، مر جكدن بيوك ايدى ... (مابعدى وار)

سودليجه شيخي زاده شيخ آستانه سعديه

زاهر

ارضك صوك كوني

يكن نسخه دن مابعد

زيرده كي آيت كرمه ايسه بو خصوصده دها شدتلى و دها آچيقدر .

سورة واقعه - آيت ٦٥٤٤ : [اذا رجعت الارض رجاً وبست الجبال بساً فكانت هباءً منبثاً] .. (بالمصادمه) « ارض شدتله صارصیلدینی » و طاغلر ریزه ریزه آت آياغندن طاغیلان توزلر « کبی صاچلديني وقتده ... »

سورة كهف - آيت ٤٥ : [ويوم نسير الجبال وترى الارض بارزة وحشر ناهم فلم نقادر منهم احداً] .. « و طاغلری یورو تديکمز کون ارضی دوبدوز کوروورسک . و آنلری ، بر دانه سی « اونوتلیهرق بر یره سه ره و جمع ایدرز ! »

اشبو آيت جليله بر جوق خصوصاتدن شايان دقتدر . طاغلرك يورومسی ارضك سير سريعه اشارت اولوب کوروورسک افاده الیه سی ده او حالک، یعنی حادثه قیامتک محقق صورتده وقوع بوله جفنی تأمیندن کنایه در . دوبدوز کوروولک مسئله سی دخی مصادمه یی متعاقب سحاب مضی حالنه کچه جک اولان ارضك بزمده سماءه مشاهده ایتدی کمز سحابیهلر کبی دوم دوز رؤیت ایدیله جکندن عبارت اولوب نتیجه حال دخی فی الحقیقه بوندن بشقه بر شی دکلددر . سحابیه حالی آلان هر جرم سماوی مرور

زمانه تېره باشلايه رق بشقه بر عالمه انقلاب ايدر که
بو وجهله خلقت جديده برمداً تشکيل ايلر ! ..
زيرده کی آيت جليله بو حقيقتيه تر جان اولمق اعتباريله
پک زياده شايان دقتدر .

سورة ق — آيت ۱۵ : [افعينا بالخلق الاول
بلهم في لبس من خلق جديد] بلکه آنلر ؛ خلق
جديدن شبهه درلر . ايلک يار اتمقده عجز مز می ظاهر
اولدی که ايکنجی ايجون شبهه محل اولسون ! ...
ديمک اوليور که ؛ بعد المصادمه انقاض ارضيه دن
بشقه خلقت ، بشقه دنيا ميدانه کتيريله جکدر . زيرده کی
آيات جليله دخی اعاده خلقتيه دائر اولمق اعتباريله
شايان دقتدر .

سورة انبيا — آيت ۱۰۴ : يوم نطوى السماء
کطی السجل للکتب کما بدأنا اول خلق نعيده وعدا
علينا انا کنا فاعلين . . .] « کتابه سجل طوماری
کبی سمایی دوروب بو کدی کمز کون ، ایلک خلقي
ایجاداً یار ایدیغمز کی اعاده دخی ایدرز . وعدمزد .
آنی یارز ! »

بوراده « طومار کبی » بر افاده استعمال
بیورلمش اولمی اسکی کتابلرک او طرزده طومار
حالنده یازلمش بولمزلندن ایلری کلشدر . حکمتی
ایسه جاذبه لک شدتی طولایسیله سیاراتک دونه دونه ،
یعنی طولانه طولانه مراکز جاذبه اوزرینه سقوطاً
رجوعلیدر . عن قریب بر آزدها تفصیلاته
راستلايه جغز . بزم بوراده کی مقصدمز ایسه اعاده
خلقتيه دائر اولان وعد الہی یی ارايه در . و کذا :
سورة بروجک ؛ « تحقیق او الله ، ایجاداً یاراتیر ،
اعاده دخی ایدر » مألند اولان اون اوچنجی [انه هو
بیدیء و یعید] آیت جلیلہ سیله سورة رومک ؛
« و اویله الله درکه مخلوقنی ایجاداً یاراتیر ، صکره
اعاده یاراتیر و او ، آکا ده قولايدر ، بوبابده اعلا
مثالر ايشته ارض و سمواتده میدانده در . یعنی

مونه سی کوزلر اوکنده طور ییور ! .. » مألنده کی
۳۷ نجی [وهو الذی یبدؤ الخلق ثم یعیده و هو
اهون علیه وله المثل الاعلی فی السموات والارض]
آیت کریمه سی بو کبی حقیقتی ارايه ایدر .

اعاده خلقتيه دائر اولان آيات جليله یالکز
بولمزلدن عبارت دکدر . دها واردر . از جمله
سورة یونسک : [قل هل من شرکائکم من
یبدؤ الخلق ثم یعیده قل الله یبدؤ الخلق ثم یعیده
فانی توفکون . . .] « دی که ؛ صنم ل کزدن
هانکیسی ایجاداً و صکره اعاده خلق ایدر ؛ دی که
الله ایجاداً خلق ایدر ، صکره اعاده دخی ایلر !
نصل افک و افترا ایدر سکز ؟ » مألنده بولنان
۳۴ نجی آیت کریمه سی دخی بو قیلدندر .

حادثه قیامت حقننده شرفازل اولان دیکر
آيات جلیلہ دخی دوام ایدلم .

سورة مرسلات — آيت ۱۰ : [وان الجبال
نسفت . . .] و طاغلر فیرلا دینی وقت

سورة طور — آيت ۱۰ : [وتسیر الجبال
سیراً . . .] و طاغلر خیزله قوشار .

بو ایکی آیتده کی طاغلرک فیرلاماسی و خیزله
قوشماسی مسئله سی تماماً ریاضی اولوب عن قریب
ذکر ایدیله جک (سورة قیمة) نک ۶ نجی
و ۹ نجی آیت کریمه لرنده اسبابی تصریح ایدیله .
جکدر . دوام ایدلم :

سورة نباء — آيت ۱۹ : ۲۰ [وفتح
السماء فکان ابواباً وسیرت الجبال فکانت سراباً . . .]
« و سما آچیلر ، قیولر اولور و طاغلر یورودیلور ،
سراب اولور ! »

مصادمه یی متعاقب ارض اوزرنده صاغ انسان
فرض اولنورسه بولر سمایی مصادمه دن چیقان
توز و دومان آره سننده ظهوره کلن یاریقلردن
کوره بیلرلر . بولره قیو دنیلکم طبیعی اولور !

سراب ایسه صیجاچ چولده ده کیز کبی کورینن
بیاض رنگده یالانچی تموجاتدر . توز حالنده
طاغیلوب سحابیه حالته کیرن شیء البته اوילה
کورینور . دها آجیق بر افاده ایله بو آیتده کی
سراب افاده سی عادتاً (سحابیه) مقامنده
قوللانیلمشدر .

مابعدی وار

ارکان حربیه میرالائی

عبدالرحمن

ارکان حربیه میرالائی عبدالرحمن بکه

آجیق مکتوب

محترم افندم !

محفل مجموعه اسلامیه سنک الی یدنجی نسخه -
سند (ارضک صوک کونی) سرلوحلی مقاله کزی
دیگرلری کی سوه سوه او قورکن (بزم تفسیرلر حزه
نه مناسبتله کچدیکنه هم حیرت ایدیورم ، هم ده متأثر
اولیورم) جمله لرینه کلنجه بنده چوق متأثر اولدم .
سکرده (نفخ صوردن مقصد غازاتک سر بست
قالیشندن متولد آجی آجی خروجدن باشقه برشی
دکدر) دیه قطعی بر تفسیرده بولما کزده جدا
حیرت ایتدم . کرچه بیانکزی (لکل عالم هفوة و لکل
صارم نبوة) قیلندن برذله اولسه ده ذات فاضلانه
کزله کورشمه مزه وسیله اولاجقندن بو باده بر آز
ایضاح و استیضاحدن کنیدی آلامدم .

عین نسخه ده (الا وانی اوتیت القرآن و مثله
معه) جمله سیله ختام بولان حدیث شریفه دقت
بیورلدیسه قرآنک بر مثلی ده احادیث بولندی
تصریح بیوریلور . ذات عالیکز دائماً قرآن کریمه
حصر نظرله حدیث اقسامنه وقت بولیور اولمی -
سکز که نفخ صور تفسیرنده رایه استناد ایدلش
وهمیله یوزلرجه اکبر اسلامی تخطئه ایله حیره
دوشیور ، تأثرلره غرق اولیورسکمز . سکره هیچ

احتمال بر اقیوب نفخ صور معنا سنده کسکین بر حکم
ایله آئیده بارز بر خطایه اوغرایورسکمز . مفسرلرک
بر نصه استنادلری اولسه بیله کلهلرک لغت معناری
آنلره یاریم ایدیورم . حالبوکه احادیث صحیحه نفخ
صور و ناقورک معناسی بیان و ایضاح ایله مش ،
مفسرلرده بویولده سوز سویله مشدر . تبرکاً احادیث
نبویه دن بر قاچی درج ایدیورم . (الصور قرن
ینفخ فيه) حم دت ک عن ابن عمرو (کیف أنعم
وصاحب القرن قد اتقم القرن وحنی الجبهة وأصنی -
السمع ینظرمتی یؤمر بالنفخ فینفخ قالوا کیف نصنع
قال قولوا حسبنالله ونعم الوکیل علی الله توکلنا) (حم
ت حب ک) عن ابی سعید (حم ک) عن ابن عباس
(حم طب) عن زید بن ارقم (حل) عن جابر والاضیاء
عن انس (کنز العمال) عین حدیث شریف (مشکات
مصایح) ده بولندیغندن شارح علامه علی القاری
« والظاهر ان کلاً من الالتقام والاصغاء وما یعده علی -
الحقیقة وانه عبادة لصاحبه بل هو مکلف به . . . »
دیور .

فضیلتآب ! شو حدیثلر و امثالنده بر آز توقف
ایدنجه فنه توفیق داعیه سیله تأویل احتیاج اولدیغنی
کی کسدریجه تفسیره هیچده امکان یوقدر . بو باده
تفسیرلر نه حیرتی چالب ، نه ده بر محذوری داعیدرلر .
قادر مطلق حضر تلری وقت مرهوننده هلاک
ام و خراب عالمه وسیله اولاجق شدهش ، مفزع
صیجهر چیقاران صور ، ناقور ناملرنده بر جسم
عظیم یارادوب رسول ملائکه دن اسرافیلی مأمور
بیورمه سی عقلاً جائز ، نقلاً ثابتدر .

محترم بکم ! شوزمانده کنجلریمزدن چوقلری
مهلك ایکی مرضک معلولیدرلر . بری عرفانلری
کافی کوروب آثار اسلامی مطالعیه یا ناشاملری ،
منم دیگر نیست وادیلرنده کزینوب استفاده دن محروم
قالملری ، ایکنجیسی حوصله لرینه صیغدیره مادقلری